



Universitätsbibliothek Paderborn

Qvæstiones Morales Selectiores De Lege Interna Et Externa

discussæ, ac Resolutæ, & in duos Libros divisæ, In quibus, propositis casibus, prima quædam principia, ad plurimas alias Quæstiones similes resolvendas perutilia, subinde examinantur

De Lege Externa

Beati, Gabriele

Augustæ Vindelicorum, 1729

VD18 80376800

16 An lex pœnalis semper obliget, effectu prohibito secuto.

urn:nbn:de:hbz:466:1-39888

QVAESTIO XVI.

*An lex panalis semper obliget, effectu
prohibito secuto.*

C A S V S.

TITIUS, Sempronio consilium dederat, ut Clericum quendam à quo iniuriam acceperat, occideret; idemque homicidium eisdem Sempronio mandauerat Caius; ambo tamen deinde in se reuersi consilium, ac mandatum reuocarunt; Verum Caius, hoc non obstante, Clericum adhuc occidit. Quæritur; Vtrum tam Titius, quam Caius in Excommunicationem inciderint.

S V M M A R I V M .

- 2 Tam mandans, quam consulens homicidium, videntur in excommunicationem incidisse, Clerici morte sequuta.
- 3 Mandans homicidium per Assassinos, illam statim incurrit.
- 4 Consilij, ac mandati reuocatio, eorum influxum in homicidium non abstulit.
- 5 Consilium, ac mandatum, fuerunt motiuum ad occidendum.
- 6 Ad homicidium concurrerunt magis, quam non Impediens.
- 7 Saltem magis, quam ratum Habens.
- 8 Mandans, quomodo influat in homicidium.
- 9 Consulens quomodo influat.
- 10 Quot modis Consilium dari possit.
- 11 Mandatum reuocans, excommunicationem non incurrit.
- 12 Per mandati reuocationem retraxit influxum.
- 13 Sicut, si è Mandatarij manibus gladium abstraxisset.

R.P. Beati Libr.II.

- 14 Mandatum, posita reuocatione moraliter amplius non perseverat.
- 15 Consulens, si motiuum contrarium propositum, excommunicationem non incurrit.
- 16 Per hoc, Consilium sufficienter reuocauit.
- 17 Abstulit motiuum antea propositum, eiusque vim.
- 18 Si Consulens solis precibus Consilium reuocauit, incidit in censuram.
- 19 Sole preces, non tollunt motiuum datum ad occidendum.
- 20 Sicut ex Homicida manibus gladium non auferunt.
- 21 Mandans homicidium per Assassinos, principaliter excommunicatur.
- 24 Non impediens, impedire tenetur ex officio.
- 26 Si Homicida erat ad homicidium determinatus, Consulens, & Mandans nullam censuram incurront.
- 27 Incurrunt tamen, si in Homicida voluntatem occidendi augeant.
- 28 Non incurront, quando parato occidere, consulunt percussionem.
- 29 Etiam Consilium, solis precibus reuocans, censuram non incurrit.

N

RATIO-

RATIONES DVBITANDI.

- S**icut Lex pœnalis, non obligat effectu prohibito non secuto; ita queritur; an semper obliget illo secuto. Videtur enim semper obligare; ideoque tam Titium, quam Caium in excommunicationem incidisse; *Nauarr. cap. 27. num. 133. Pasqu. de restit. cap. 9. §. 1. disp. 1.n. 11. Clavis regia lib. 10. cap. 8. n. 11. Lessius lib. 2. cap. 13. dub. 2. n. 5. Rebell. lib. 2. de rest. quæst. 14. sect. 2. n. 5.*
- 3** Primò; Quia mandans homicidium per Assassinos, statim post datum mandatum, incidit in excommunicationem. *ex cap. 1. De homicidio in 6. quamvis postea mandatum reuocet.* Ergo etiam Titius, & Caius immediatè post datum mandatum, & consilium, in excommunicationem inciderunt, quamvis postea mandatum & consilium reuocauerint.
- 4** Secundò; Quia mandati, ac consilij reuocatio, non abstulit eorum influxum in homicidium; adhuc enim Clericus, occisus est ex vi mandati, ac consilij, ita ut, si hæc non præcessissent, non fuisset occisus. Omnis autem, ad Clerici homicidium quomodocumque concurrens, saltem secuto homicidio excommunicationem incurrit.
- 5** Tertio; Quia, si Titius, & Caius, gladium Sempronio dedissent, ad Clericum occidendum, per solam gladij repetitionem sufficienter non reuocassent influxum in homicidium. Sed daudo mandatum, & consilium, dederunt illi arma spiritualia, hoc est motuum ad operandum, siue ad Clericum occidendum. Ergo, per solam mandati, & consilij reuocationem, influxum in Clerici homicidium sufficienter non reuocarunt, & consequenter in excommunicationem inciderunt.

Quarto; Quia magis influunt in homicidium mandans, & consulens, etiam post mandati, ac consilij reuocationem, quam non impediens; Sed non impediens, contrahit excommunicationem. Ergo multò magis mandans, & consulens, quamvis mandatum, ac consilium reuocauerint.

Quinto; Denique, quia, etiam si conceatur, Titium, & Caium, per mandati, ac consilij reuocationem, non concurrissent ad homicidium; hoc tamen non tollit, quin excommunicationem incurrerint; nam neque ratum habens Clerici homicidium, ad illud ullo modo concurrit, & tamen hoc non impedit, quin excommunicationem incurrat; *ex cap. Cum quis: de sent. Excom. in 6.* Ergo, etiam si Titius & Caius, per mandati, ac consilij reuocationem, ad homicidium non concurserint, adhuc in Excommunicationem incidentur.

NOTABILIA.

A Duettendum est primò; Illum, qui alterius mandatum exequitur, non ex alio motu moueri ad mandatum exequendum, quam ut Mandantis voluntatem exequatur, eique rem gratam faciat. Hinc autem fit, ut mandatum pendeat totaliter à voluntate Mandantis; per hoc enim præcisè, quod Mandans ostendat; sibi non amplius gratam fore operationem mandatam, cessat in Exequente totum motuum operandi; hoc enim totaliter pendet à voluntate Mandantis. Cessante autem motu mandati in exequente, si hic adhuc operetur, iam non censemur operari ex motu mandati, sed ex aliquo alio motu. Vnde Mandans, iam non influet

influet amplius in operationem factam ab Exequente, nec ei magis cooperabitur, quam si nunquam fuisse datum, & consequenter nec subibit pœnas cooperatoribus impositas.

9 Aduertendum est secundò; Illum, qui alterius consilium exequitur, moueri ad exequendum consilium, non ut Mandanti rem gratam faciat, sed ut faciat rem sibi vtilem. Hinc autem sit, ut consilium non totaliter pendeat à voluntate Consulentis; eo enim ipso, quod Consulens semel persuasit Exequenti, fore illi vtilem operationem, iam non est amplius in eius potestate facere, ut ille non operetur ex tali motu, quandiu non proponit aliud motuum oppositum sufficiens ad illud retrahendum ab operando. Consulens ergo, non alio modo reuocare sufficienter potest consilium suum, quam proponendo Exequenti motuum oppositum sufficiens ad illum retrahendum ab operando; sic enim operatio, si ponatur, censembitur procedere non tam ex priori motu, quam ex malitia Exequentis, ideoque non imputabitur amplius Consulenti; motuum enim illud iam non censembitur amplius datum, sed à Sempronio acceptum.

10 Aduertendum est tertio; Dupliciter dari posse consilium; Primo ostendendo aliquid esse verum, vel falsum, ut si quis persuadeat, aliquem contractum esse licitum, vel non dari in aliquo casu particulari obligationem restituendi &c. Secundò; Ostendendo aliquid esse vtile, vel nocivum ipsi Exequenti; conueniens, vel disconveniens; ut si quis persuadeat alteri, ut occidat inimicum propter iniuriam, quam ab illo accepit. Ut ergo Consulens reuocet sufficienter consilium suum primo mo-

do datum, necesse est ut aperiat falsitatem consilij sui, ostendendo v. g. contractum esse illicitum, veldari in tali casu obligationem restituendi; &c. Ut vero reuocet consilium. Secundo modo datum, ostendere debet, talem operationem non esse illi vel vtilem, vel conuenientem; eo enim ipso, quod hoc facit, iam Consultus non censembitur moueri ad patrandum delictum propter auctoritatem Consulentis, sed si illud exequatur, ex propriâ malitia exequetur; quocumque autem alio modo reuocetur consilium, nunquam reuocatur sufficienter, quia semper remanet motuum traditum, à quo Delinquens inducitur ad delictum patrandum; sicut, si quis, post traditum alteri ensem ad inimicum occidendum, illum repeatat solum, sed non recuperet, non censembitur repetrere sufficienter, sed censembitur ad homicidium concurrere; illique tanquam cooperatori homicidium imputatur. His positis,

RESOLVTIO I.

AD Casum respondetur primo; Caijum homicidij Mandantem, excommunicationem non incurrisse. *Sayrus lib. 7. cap. 2. num. 11. Molina disp. 33. mem. 6. Vgolinius cap. 14. §. 3. & cap. 16. num. 4. Bonac. de cens. dub. 7. quest. 4. pun. 8. num. 20. & 23. & alij apud istos.*

Primo; Quia Caius, per mandati reuocationem, retraxit influxum quem ante præbuerat per mandatum. Ad excommunicationem autem contrahendam requiritur, ut quis aliquo modo influat in homicidium, eique cooperetur; mandatum enim; & consilium, in tantuia sub-

N 2

ex-

excommunicatione prohibentur, in quantum sunt actiones ad alterius occisionem cooperatoria.

13 Secundò; Quia, si Caius ensem Sempronio commodatum ad Clericum occidendum, è manibus abstraxisset, quamuis deinde Sempronius Clericum illum occidisset, homicidium illud non imputaretur Caio, nec Caius censetur illi fuisse vlo modo cooperatus; sed reuocando mandatum, abstulit motiuum, quod idem Sempronius ab illo acceperat ad Clericum occidendum; Ergo, licet Sempronius adhuc Clericum occiderit, tale homicidium non est imputandum Caio, nec Caius vlo modo illi est cooperatus, & consequenter nec Excommunicationem incurrit.

14 Tertiò; Quia mandatum, posita reuocatione, iam non amplius moraliter perseuerat, sed periede est, ac si nunquam fuisset datum, sed si nunquam fuisset datum, ad Clerici homicidium nullo modo concurrisset, ergo posita reuocatione, nullo modo concurrit ad Clerici homicidium, ideoque nec subiacet excommunicatione.

RESOLVTIO II.

15 Respondetur secundò; Titium homicidij Consultorem, si consilium reuocauit, proponendo Sempronio motiuum oppositum sufficiens, ad illum retrahendum ab homicidio, in excommunicationem non incidisse. *Sayrus lib. 7. cap. 2. num. 11. & cap. 3. num. 6. Suan. disp. 44. sect. 3. num. 13. Filliuc. tract. 20. cap. 4. num. 34. P. Nauar. lib. 3. cap. 4. num. 27. Siluester u. homic. 1. num. 12. Heniq. lib. 14. cap. 16. num. 4. & alij communiter.*

Primo; Quia, eo ipso, quod Titius¹⁸ Sempronio proposuit motiuum sufficiens ad illum à Clerici occidente retrahendum, iam Sempronius moueri non potuit ad illum occidendum ab auctoritate Consilientis, cum hic, consilij sui vel falsitatem, vel peruersitatem ostenderit. Ergo motus est totaliter à sua malitia, eique foli proinde imputandum est homicidium, non Titio.

Secundò; Quia Titius, proponendo¹⁷ Sempronio motiuum oppositum sufficiens ad illum ab homicidio retrahendum, abstulit motiuum antea eidem datum ad occidendum; hoc enim, superueniente motiuo opposito sufficienti, rationabiliter amplius illum mouere non potest ad occidendum, perinde ac, si nunquam fuisset propositum. Sed, si Titius nunquam proposuit motiuum ad occidendum nullum præbuisset concursum ad homicidium, nec in excommunicationem incidisset. Ergo etiam proponendo Sempronio, post datum Consilium ad occidendum, motiuum sufficiens ad non occidendum, nullum censendus est, præbuisse concursum ad homicidium; ideoque nec in Excommunicationem incidisse; ad hanc enim incurrendam, necessario requiritur, vt quis committat delictum sub Excommunicatione prohibitum. Delictum autem sub Excommunicatione prohibitum, in nostro casu principaliter est, Clerici occisio, minus vero principaliter, omnis cooperatio ad talē occisionem.

RESOLVTIO III.

Respondetur tertio; Titium, si solis¹⁸ precibus consilium reuocauit, à Sempronio expetendo, vt à Clerici occidente absti-

- abstineret, probabilius Excommunicatio-
nem incurrisse. *Nauar. c. 27. num. 353.*
Azor. par. 3. lib. 2. cap. 8. Bonac. disp. 7.
qu. 4. pun. 8. n. 20. & alij apud istos.
- 19 Primò; Quia, cum solæ preces non tol-
lant motiuum antea datum ad occiden-
dum, non reuocant sufficienter consilium
datum; Ergo occisio censetur adhuc se-
quuta ex tali motiuo, & consequenter ex
consilio; Ergo Titius, per consilium, Cle-
rici occisioni cooperatus est, ac proinde ex-
communicationem incurrit.
- 20 Secundo; Quia, si Titius, post datum
Sempronio ensem ad Clericum occiden-
dum, illum deinde solis precibus repetijs-
se, nec re ipsa è manibus abstulisset, censem-
tur gladium non sufficienter repetijsse,
& sic consequenter ad Clerici occisio-
nem concurrisse; usus enim ipsius gladij
adhuc imputari posset tradenti. Sed etiam
solis precibus reuocando motiuum datum
ad occidendum, re ipsa illud non abstulit,
sed Sempronius ab eo adhuc inductus est
ad Clericum occidendum. Ergo etiam
in hoc casu, consilium sufficienter non re-
uocavit, sed influxum præbuit ad homici-
dium; cum enim ipse motiuum dederit
ad occidendum, usus illius motiuui sem-
per illi rationabiliter imputatur, tanquam
tradenti.

OBIECTIONVM SOLVTIO.

- 21 **A**d rationes autem initio propositas
respondetur. Ad primam; Mandan-
tem homicidium per Assassinos, statim
in Excommunicationem incidere etiam si
deinde mandatum reuocet, quia *d. cap. 1.*
principaliter prohibetur non homicidium,
sed mandatum; At in *Canone Si quis:*
mandatum & consilium non prohiben-
- tur principaliter, sed solùm accessoriè;
id enim, quod principaliter prohibetur,
est, enormis Clerici percussio, secunda-
rio verò omnis cooperatio ad illam.
Quando autem aliquid accessoriè solùm
sub Excommunicatione prohibetur, non
incurritur Excommunicatio, nisi sequuto
effectu, ac delicto principaliter prohibi-
to. Cum ergo mandatum supponatur à
Caio reuocatum ante Clerici occisionem
consequenter Caius illi cooperatus non est,
ac proinde nec in Excommunicationem
incidit.

Ad secundam resp; Negando, per re-²²
uocationem mandati, ac consilij primo
modo, non suisse sufficienter sublatum
influxum in homicidium; quamvis enim
Clericus alijs non fuisset occisus, nisi
præcessisset mandatum, vel consilium,
posita tamen reuocatione, homicidium
non est secutum ex vi mandati, vel con-
silij, nisi forte tanquam ex occasione, qua
non sufficit ad influxum.

Ad tertiam resp; Reuocasse sufficien-²³
ter mandatum, & consilium primo mo-
do, sicut sufficienter arma repetijsent, si
illa è Sempronij manibus abstulissent, illi
enim verè abstulerunt motiuum datum ad
Clericum occidendum.

Ad quartam resp; Negando magis in-²⁴
fluere Mandantem, & Consilientem etiam
post consilij, ac mandati reuocationem,
quam non impedientem, vel enim non
impediens, impedit tenetur ex officio,
vt Reges, Principes, &c. vel solùm ex
charitate, vt omnes alij, qui impedit
commodè possunt. Si primum; multo
magis influit non impediens, quia illi
imputatur homicidium tanquam vera
causa, ideoque in Excommunicationem

N 3 inci-

incidit. Si secundum; non magis influunt Mandans, & Consulens reuocato mandato, ac consilio, quia neuter vlo modo moraliter influit, ideoque etiam neuter Excommunicationem contrahit.

25 Ad quintam resp; Ideo ratam habens Clerici occisionem suo nomine factam incidit in excommunicationem, non quia influat in homicidium, sed quia ita expressè habetur *in cap. Cum quis de sent. Excom. in 6.* non habetur autem *in Canone. Si quis suadente.* Quod in excommunicationem incident Mandantes, etiam si in occisionem non influant, sed solum quod excommunicationem incurvant omnes, ad Clerici enormem percussionem concurrentes.

COROLLARIA.

26 Olligitur ex dictis prímo; Consulentem, ac Mandantem, excommunicatione non ligari, quando delinquens, eodem modo commissurus erat delictum, etiam sine mandato, ac consilio; quia tunc, per suum mandatum, & consilium, nihil influunt in delictum, v. g. in Clerici percussionem, vel occisionem; Ad excommunicationem autem incurrendam, requiritur, ut aliquo modo ad delictum principaliter prohibitum concurratur. *Nau. cap. 27. n. 51.*

27 Secundò; Consulentem, ac Mandantem, excommunicatione ligari, quando

per suum consilium, vel mandatum au-
gent voluntatem Delinquentis ad patran-
dum delictum sub excommunicatione pro-
hibitum; quamvis Delinquens, alias de-
lictum illud committere paratus esset;
quia augendo voluntatem, cooperantur ad
delictum, vel celerius, vel grauius com-
mittendum. *Sylvestr V. Excommunicat. 8. num. 10.*

Tertiò; Consulentem, Excommunica-
tione non ligari, quando parato facere ma-
ius malum, consulit minus; vt, si parato
Clericum occidere, consulat illum tantum-
modo grauiter percutere. Quia quamvis
hic, per suum consilium, influat in Clerici
percussionem, non influat tamen culpabi-
liter, nec peccat; Consulere enim minus
malum, non est peccatum, sed potius opus
bonum; ad excommunicationem autem
incurrendam requiritur peccatum morta-
le. *Molina tom. 4. disp. 5 z. num. 2.*

Quartò; Non esse etiam improbabile,
quod consilium solis precibus reuocans,
excommunicatione non ligetur, qui ap-
petit tali reuocatione, actio iniusta, & Cleri-
ci occiso, non censetur amplius prouenire
a Consulente, sed ab Exequente, cuius ma-
litiae imputandum est delictum, tanquam
causæ totali. *Reginaldus lib. 10. num. 108.*
vide quæ diximus lib. 1. quest. 14.



QVAE